

صاحبی، مدیری، محرری :



اسلامك نفعنه خادم مقالات
مع الت شكر قبول ونشر اولونور
يازانك شخصيتي دكل، يازينك احميتي
نظر دفته آئينير .

كلن يازيلردن شايد قبول كورولنلر:
تاويح صيراسيله درج ايديلير .

محفصل

۱۳۳۸

علمی، ادبی، اجتماعی و شمیم بلك شهرى
مجموعه در

۱۳۴۰ ربیع الاولنه مخصوص نسخه

عدد : ۱۷

جلد : ۲

اداره خانه سی: شهرزاده باشندہ

تعالی اسلام

جمعیتی مرکز عمومیسی

مرکز توزیعی :

باب عالی جاده سنده (اتحاد

تجارت) کتبخانه سی

آبونه بدلی :

سنه لکی ۱۲۰۰ غروش

آلتی آلتی ۶۰

اویچ آلتی ۳۰

ممبرجات :

محفصل علمی و تصوفی : دیانت اسلامیة افعال بشریة ایله اولچوله من - اسکلیلی محمد عاطف . توکل ورمی - طاهر المولوی .

محفصل انتقادى : اوروبا علماسنك دین اسلام حقننده شهاداتی - رضا .


محفصل ادبی : ادبیات صوفیه، حکیم سنایی، شیخ عطار، حضرت مولانا - فرید . نعت شریف - سعود المولوی .
تخمیس - کمال الدین پری . برمنظومه - احمد شیرانی . شاعر ایله نباش - م . انور . غزل -
یشار شادقی .

محفصل تاریخی : ابوذر غفاری - طاهر المولوی . معتقدات جاهلیه - طاهر المولوی . مستجابی زاده عصمت بک -
حسن و عشق و هند ماصالری .

تبریک مولد سعادت

بمنه تعالی ربیع الاول شهر مبارکی حلول
ایندی . بالعموم اهل ایمانک معلومیدرکه بو آیك
۱۲ نجی کیجه سی ؛ علیه الصلوة والسلام افدیمرک
لیله ولادتی اولق شریفه مبهیدر .

مخفلک ربیع الاول ۳۳۹ نسخه سنده ولادت
پیغمبری به دأر ایجه معلومات ویریش اولدیغندن
او بحثه دأر بوراده تکرار سوز سویله مه به لزوم
کور میورم ، ایچنده بولوندیغمز ماه مقدس ؛ ۱۳۹۳
نجی دوره تولدی اولان نبی اکرم صلی الله وعلیه
وآله وسلم حضرتلری حرمتنه امت محمدی سلامت
وسعاده چیقار ماسنی لطف الهیدن تمی ایله اکتفا
ایدیورم .



مخفل علمی و تصوفی

دیانت اسلامیة افعال بشریه ایله اوچلوه مز
جناب شهاب الدین بکک « مملکت مزده بالان »
سرلوحه لی مقاله سنک هامشنی او قودم . صاحب
مقاله نک (دینار جمعیتک عامل تکاملی اولدینی کی
جمعیتلر ده دینلرک عامل تحولی اولور .) سوزلرینی
علی الاطلاق حقیقت و نفس الامر مطابق بوله مدیغم
ایچون مساعده لرله براز تحلیل ایتک ایسترم :

برنجی قضیه نک موضوعی (حق) ، (محمولی
مقتضای دیانتیه تماماً تمسک) قید لرله تقید ایدلکدن
صوکره مضمونی قبول و تصدیق امر ضروری
اولدینی کی بشر طرفندن مرتب ادیان باطله به
نظراً ایکنجی قضیه نک مضمونی ده قبول اولونور
ایسه ده دین حق ، دین اسلامه نظراً قضیه مذکور ده نک
مضمونی قبول و تصدیق دوغری اوله ماز . چونکه
دین اسلامک مجتهد فیها اولان احکام فرعیه سندن

عرف و عادتیه مستند اولان بعض احکامی ازمانک
تخالفی ایله اساسات اسلامیة دأر سنده قابل تحول
ایسه ده جمعیتلرک ، محیطلرک ، زمانلرک تغیر و تخالفی
ایله احکام منصوصه اسلامیة نک تبدل و تحولی
عدم الامکاندر . زیرا بو قیل احکام عالیة اسلامیة
بالذات جناب شارع طرفندن وضع اولونوب
بو خصوصده تصرف ایثون باشقه لرینه مساع
ویرلما مشدر . آنک ایچون صورت قطعیه ده ادعا
ایده بیلیرم که اساسات دینیه و احکام منصوصه
اسلامیه بی جامع اولان قرآن کریم ایله کتب سته
مشهوره نک محتوی اولدینی احادیث نبویه کره
ارضده بلا تغیر ولا تبدل محفوظ بولوندیجه هیچ
بر فرد ، هیچ رجعت ، هیچ بر محیط ، هیچ بر زمان ؛
اصول اسلامیة و غیر مجتهد فیها اولان احکام منصوصه
دینیه نک عامل تحولی اوله ماز . بناء علیه کر دأرضک
مهرانکی قطعه سنده ساکن اولور ایسه اولسون
مسلمانلر آره سنده عقائد اساسیه اسلامیة ایله
احکام منصوصه شرعیه عین شئدر . اصلاً تحولی
بو قدر . آنجق مجتهد فیها اولان مسائل دینیه دن
بر قسمی ناسدن بعضیلرینک ، دیکر لرینی ده باشقه
لرینک التزامی دولایسیله جماعات مسلمین آره سنده
بعض احکام فرعیه ده مشاهده اولونان اختلاف
موجب مضرت دکل ، باعث رحمت و توسعه شرعیتدر .
شو حالده دین مبین اسلامه منسوب اقوام و جماعاتک
احوال و افعاله نظراً کوریلن بعض کونه تخالفله
اساسات دینیه و احکام منصوصه اسلامیة نک تحوله
استدلال ایتک هیچ بزوجهله دوغری اوله ماز .
زیرا مسلمانلردن عوام صنفک اساسات دینیه
و احکام منصوصه اسلامیة به جهلی ، خواص صنفندن
بعضیلرینک تکاسلی و بعضیلرینک اخلاقسزلق
ویا عوامل سائره تأثیراتیه مقتضیات دیانتیه عمل
ایتملری کی ، اسباب و عوامل نتیجه سی اولق

اوزره دین نامنه ویا باشقه صورتله وجوده کلن افعال واحوال متخالفه ایله اساسات دینیه واحکام منصوصه اسلامیه نك تحوله قائل اولمق حقیقت ونفس الامر ایله اصلاً قابل تألیف اوله ماز . مشروطیت پرور کچینلریمزك اون ایکی سنه لك احوال وحرکاتی قانون اساسینك محتوی اولدینی قواعد مشروطیتله قابل تألیف اولدینی کبی . بناء علیه ترك ، ضرب ، کرد ، آرنارود ، چینلی ، هندی ، جاوالی ، اوروپالی ، امریقالی هرکیم اولورسه اولسون امهات کتب اسلامیه ده واضحاً بیان بیوریلان اصول اسلامیه واحکام منصوصه شرعیه نك خلافت افعال وحرکاتده بولونانلر دین جلیل اسلامك مقتضیاتیه عمل ایتیمه رك آندن درجه درجه اوزاقلاشمش اولانلر در .

شو جالده تسترك وجوبی ، باعث فحش اوله جق اختلاطدن یکدیگرینه محرم اولمایان ارککه قادینك ممنوعیتی احکام منصوصه اسلامیه جمله سندن اولدینی جهتله کره ارضك هر طرفنده بولنان مسلمانلر احکام مذکوره ایله عمل ایتك اوزره دیناً مجبوردرلر . احکام دینیه ایله اصلاً عمل ایتیمانلر عاصی وکهنکار اولوب دین اسلامدن اوزاقلاشمش ، قبول اعتقاد ایتیمانلر ایسه حدود ودائرة اسلامیتدن چیقمش بولونانلر درکه بویله لرینك افعال واحوالیه دین جلیل اسلامك اصول واحکامنی اولچمکه قالمیشمق قدر خطا وبصیرتسزك اوله ماز .

بناء علیه جاوالی ، هندی ، استانبوالی ، آناتولیلی ، چینلی ، قزاقلی ، مصرلی ، ... مسلمان قادینلرک تسترسز بولنلرینی وقهوه ، مسیره ، مکتب وسائر محللرده یبانچی ارککلر ایله اختلاطلرینی وپای تحت خلافتده ویا باشقه یرلرده مسلمان قادینلرینه وثیقه فحش ویرلدیکنی ومیخانه ، عموخانه آچیلسمنه مساعدده اولندیغنی کورمک ،


افعال مذکوره نك شرعاً ممنوع اولمامنی ایچون بر دایل تشکیل ایتمز . زیرا باطل مقیس علیه اولاماز . وهمده دیانت اسلامیه افعال مسلمین ایله دکل ، افعال مسلمین دیانت اسلامیه به مطابقتله اولچولور . اساساً دین اسلام معنویاته منحصر اولیوب مادیاته عائد احکامی ده جامع اولدیغندن افعال بشریه دن هیچ بر فعل آنك دائرة شمولدن خارج قالمه ماز . بناء علیه اوا امر دینیه به موافق اولانی حسن ومشروع ، اولیانی قبیح ومنوعدر .

شو حالده افعال مسلمینیه نظراً دیانت اسلامیه یی اسلامیت عثمانیه ، اسلامیت هندیه ، اسلامیت مصریه . . . دیه اقسام مختلفه ایرمغه جرأتمه بولنق قدر ضلالت فکریه تصور اولوناماز .

لایقی وجهله تدقیق وتعمیق نتیجه سنده دین جلیل اسلامك منافع ومعالی یی دکل ، آنجق مفاسد ومضاری نهی ومنع ایلدیکنه ارباب اشتباهجده قناعت کامله حاصل اوله جغنی خاطر لایمق ایسترم .

اسکلی

محمد عاطف



توکل وسعی

بقای حق طانیان سعی بروهه ییلیر
چالیش چالیش که بقا ، سعی اولورسه حق ایلدییر

محمد عارف

اوروپا حکما سی ایچندن سطحی نظر اولانلرک مسلمانلغه قارشى فیرلاتدقلری اعتراضلردن بری ده (توکل) مسئله سیدر . فقط اقوال درویشانهدن بولونان « طاشلایان ، یعنی لوم ایدن بزندنر ، طاشلاتان ، یعنی لوم ایتسدرن بزندن دکلدر » سوزی دوشونولونجه اوسطی نظر حکمانک ؛ مشهودات ومسموعاته ابتنا ایدن اعتراضلری خوش کورولمک لازم کلیر .